

地 110 / 931

地理

紀克家

河北地理雜鈔

原單作文安縣志
順治鈔本

順治十七年八月御史陸 疏言霸州城南古保定
縣河北之田文安縣東窪等處俱坐落堤外向時止有
琉璃河水道故十年五潦以五年之收賠五年之潦民
止勞其力而未嘗盡其財自順治十年間渾河南注從
霸州城下達口頭材而赴東洶渾波所過蕩為巨浸而
三處之地皆成水府淵深不測一望汪洋數十年千頃
之良田久已問諸水濱矣

紀克家文安縣志序

敝邑地形如仰盂為十五河尾間秋水驟至間殫為河故歲多逋賦不能佐公家急為長吏病然所恃為命脉者唯隄防是賴隄之綿亘百五十里大半在他羣邑地故修築功力亦與他羣邑共之此勤彼怠人緩我急九仞之功虧於一簣千文之防穴於一蟻此文之一苦也其次莫若大戶頭役蓋敝邑賦分九則富者為影射為占冒超然計口之外故積年所僉派皆赤貧其實而大戶其名耳至頭役之累尤不可勝言無論一切解支悉為包賠即遇客供張一飯一蔬一盪一席皆于焉取辦故事三年一編千家立見蕩析此文之又一苦也次莫若屯牧課稅夫屯牧地坐落汗邪之鄉水至則為江為湖蕩若巨津遇旱而剛鹵不能施耕耨昔人所謂石田者間或長鳧茈亦可療飢總屬不毛之地地既不毛賦于何有故課稅之設皆非正供乃二正時闍人用事投獻紛紛莊田宮稅為名不一皆百姓所嚮見佃產以

賠償者自先京理倡議力請減徵以蘇其困而害稍稍
捐此文之又一苦也次莫若寄養馬薄地四頃養一馬
旱則苦水草不完一遭滄沒家且浮矣而况于馬故往
往有繫之公門而去者不得已累及里甲萬不得已則
以公署闢為官廐甚至馬斃而家隨之且不止斃一家
而槩里隨之此文之又一苦也次莫若鬻官鹽從來鹽
法之行祇有禁私販以通官商者敵邑則按口而給如
期而徵急商課嚴于國賦非通商以裕民而厲民以惠
商此文之又一苦也凡此數者不害于法而害于法不
法

水經

濁漳水出上黨山西潞安府長子縣西發鳩山至武邑與虜池即滹

合至成平與清河合又東北過章武縣西又東北過平

舒縣南東入海一石出為澌一水北注滹池謂之澌口

即大城之清漳亂流而入於海濁漳又名衡水即禹貢

王家口漳孔安國云
水橫流入河

清漳水出上黨沾縣東至武安縣南黍窖邑入于濁漳
易水出涿郡故安縣閻鄉西山酈道元云逕鄭縣故城
北東至文安縣與滹池合

滹水出代郡靈丘縣高氏山又東南過中山上曲陽縣
北垣水從西來注之

道元云即禹貢所云恒衛既從也
疏云恒水出常山上曲陽縣東入
滹水衛水出常山靈
壽縣東北入滹沱

濡水昭公七年齊與燕會于濡水杜預云濡水出高陽
縣東北至河間鄭縣入易水地理志云博水東至高陽

入河又東北徐水注之

聖水出上谷東入於海註云東南流注於巨馬河不達
于海

巨馬河出代郡廣昌縣涑山又東過渤海東牟舒北東

入于海

註云即涑水也又謂之白滹于牟舒北南入于
寧池同歸于海一統志云一在永清縣南一在
瀛州治北又徙而南俱桑乾
史記趙惠文王二十一

年趙徙漳水武平西二十七年又徙漳水武平南括地

武平亭今名渭城在瀛州文安縣北七十二里今
城東北七十二里勝鎮衆水滙流疑即武平

會通河在縣治北四十里水自霸州滙者一十有五曰
廣陽水涿水范水鹽溝水盧溝河胡良河巨馬河夾河
琉璃河沙河龍泉河玉帶河磁河汭河霸水自安州雄
縣滙者三十四梁河清苑河石橋河土尾河徐河方順
河長流河溫義河馬村河紫泉河五里河拒馬河白溝
河白澗河唐河沙河滋河滹沱河雄河鴉兒河道欄河
泲水易水女思谷水濡水涑水雷溪子莊溪一畝泉雞
距泉自河間任丘滙者二十有一曰滏水西韓河甘陶
河即治綿葛河柘陽河衛河濊河派河膳脂河當城河
告河濁漳河清漳河夷河恒水倒馬關水滹沱河高陽
河漕河長豐渠五官淀以八十步之渠而滙巨浸六十
有六此邑之所以歲苦波臣也

石溝河在縣治東北五十里

柳河在縣治東北二十五里

急河在縣治東北二十里

文安潭在縣治北十五里

大寧橋口在縣治東南五里

代瑁口在縣治東南二十五里

火燒淀在縣治東二十五里廣四千餘畝聚石溝柳河急河三水流入衛水達直治

麻窪淀在縣治東南

牛臺淀在縣東

白龍淀在縣治北

勝芳淀在縣治東北七十里上接會通河下達三角淀

大司馬王公遴議自保定縣東路疇村起自西向東由

周家庄戴家庄魯家庄西營村直抵堂頭堂村築大隄一

道務極高厚南護文安地方計長四十里計用夫二

千名做工兩月每工一名給工食銀一兩五錢計銀六

千兩此一勞永逸二州七縣之利義當共舉事難惜費

俟隄既成即將路疇村迤北至口頭村卜家庄善來營

苑家口蘓家橋沿河一帶南岸之隄盡為決去秋水一

發即以所築之隄為南岸則水豈能復壅所謂不與水

爭利是已此策之上也目前之計但當于苑家口栲栳
圈二河之中內有民田京營地約有四五十頃亦因水
患皆曲為防一遇水發最為壅塞若將民田京營地捐
其賦稅一半餘者各州縣代補聽各自種自食春間無
水尚堪種麥夏間稍旱亦可種菊其中曲防盡為決去
則秋水亦不致大壅此不過一舉手之力

邑侯郭公允厚議二策一起自注窩東行至圍河出保
定之南經留寨之北過西營抵蘓家橋築月堤一道長
約二十五里有餘遠者去河二十里近者去河亦數里
容蓄有餘水勢漫緩此王大司馬展堤之遺意也雄霸
諸水舉不能東下而犯文安此上策也或曰河之決而
入文安也多自保定之下苑口之上則今築月堤而護
文安亦當自保定之下苑口之上起于保定舊城基下
東北經孔家甫戴家庄至西營抵蘓橋不過十三里許
此其工力較前堤減半而黑牛口白家道口諸水之自
雄入文者尚不能救也此中策也

憲副井公濟博遙隄議由注窩西里許起自白家道口西北達保定縣上五哥庄築為遙堤以防廖家里牛寺口之衝上五哥庄經保定縣北東至路疇村南頭俱極高阜仍用舊防由路疇村南頭起經東北西營村達蘓家橋亦築為遙堤以防路疇口頭杏葉寺處之衝仍修北堤以縷水復設遙堤以豫防北隄可守則守北堤北堤不可守則決蘓橋東頭之堤以洩水而共守遙堤水勢既寬必無潰決患矣

霸州道觀察王公鳳靈議余觀直沽之上有大淀有小淀有三角淀廣延六七十里深止四五尺若因而增益又為之堤停蓄衆水而委輸于海水固有所受也然後濬治舊川為長堤以東之高廣倍于前功使水有所行又多開支河聯絡相屬使水有所分見在窪淀不下數十處又各深而堤之使水有所積則雖有淫潦飛流大川瀉之支河析之諸淀瀦之高堤防之可以無橫溢滔天之患矣堤易壞必有堤夫歲繕河易淤必有淺夫時

內閣堂
抵支河既分必多有橋梁以通濟則川得安流田得利
溉人無病涉戎馬不得長驅地方大利也文安大城別
為一區亦宜用此法多方疏濬然非 朝廷定其議大
臣董其後勢必格而難行功或苟而速就求河之治可
得乎

掖令姜公揚武議夫水之行地有血脉之周身欲疏通
不欲底滯其性一也顧咽喉其可噎乎脉絡其可壅乎
尾閭其可塞乎玉帶河抵苑家口水之咽喉也古鹽河
水之脉絡也三家淀與三角淀水之尾閭也今桑乾巨
易滙西北洪流而注于八十步之渠噎乎不噎乎鹽河
即衡漳滹沱之故道歲久墮闕闕為桑田秋水灌河餘
波橫溢壅乎不壅乎三家淀塞則衡漳滹沱之水不得
游衍于灤塘石溝臺山勝芳與三角淀不闕于浮沙即
溢于敗葦而溢易桑乾胡梁巨馬諸水不得奔流于滄
海祇聞峻防未聞疏濬若此者塞乎不塞乎用王司馬
展河之策而咽喉之病除用元人疏河許中丞濬河之

策而脉絡尾閭之病除夫水之鑿隄者與水爭勢也以
八十步之渠而闢為三里之渠河身廣濶波流漫行不
唯霸文保大無衝決之害而雄縣新城安州新安高陽
任丘俱免壅塞之患矣往時滹沱潰而北桑潰乾而南
南北交瀕而南患更慘於余昔經鹽河見故道空曠
湯漚未疏一加挑濬便成寬渠南河通流何由北注則
西南之水由真定河間而滙于滹沱河者亦可以敘其
奔騰之勢而文邑免交瀕之苦矣靜海居民塞三家淀
者有禁凡滹水經由之故道悉濬濬之使深廣由蘓家橋
迤東烟波浩淼萬派朝宗近為沙草填淤而變為斷港
絕流者亦濬之使深廣下流一塞則上流必溢下流之
趨海者既順則上流之歸壑者愈疾如是則壅塞之弊
輒而九河之績奏矣夫展北河濬南河北下流安皆相
地之脉順水之道貫惟仍舊費可永寧由是而咽喉而
脉絡而尾閭猶閉為閔格潰為癰疽無是理也又議云
憶余垂髫時問御徐公諱貞明奉 命開三輔水利阻

于淳議曰北土不宜稻也唐成陳生國紀與涿鹿覓起
人之習利水者疏畦引水創為稻田阻于衆口曰北土
不宜稻也余私託曰今涿涿漁陽廣莪杭稻民獲其利
矧職方氏云幽州穀宜三種鄭云黍稷稻賈公彥疏云
幽與冀相接冀皆黍稷幽見宜稻故云三種黍稷稻也
是幽之宜稻其來舊矣或曰涿涿之間山泉清淺正劉
靖紀勲碑所云疏之使溉決之斯散也者吾鄉亢旱則
涸及三泉隄隤則水深五丈障之猶虞蕩決引之更益
奔衝談水田于豐利非徒無益實增之告也余聞之輟
然曰若所云々真夏蟲之不可語冰者矣且漳水可以
灌鄴旁注水可以富閭中何吾鄉之于河獨避之如仇
而畏之如虎耶及讀宋史何承矩傳自順安瀕海東西
三百餘里南北五七十里悉為稻田食貨誌云凡雄鄭
霸州平戎順安等軍興堰六百里置斗門引汶水溉灌
吾鄉始為塘灤終為稻田防塞實邊具有成績稻田有
八利多為溝渠引填淤之水利一分為支河疏壅塞之

害利二早不虞枯槁利三水不虞泛漲利四通舟楫以
便轉輸利五稻一斗易粟數斗利六逋賦易完利七戎
馬不得馳突利八然始必壞民丘壠多起丁夫變置川
原遷延歲月都邑易騰浮議愚民潛布流亡未驅載穗
之車已中鑠金之口必主之密勿付之重臣勿因小害
而阻撓勿徼微利而鹵莽寬其父網需以歲時則數百
載之曠曲庶可次第舉矣

文安地形如釜當十五河之衝為泉流滙歸之區也其
三營四淀皆不毛之地初無額課自正德時始議開墾
而大有力者已為庄田以進官稅尋有牧馬草傷備邊
等項名色起科倍于常額斯民已不堪命無以旱澇不
常相率逃亡漸成荒蕪時屯牧佃戶生負任之龍寺援
霸州蒼兕浚滅半折徵事例具呈先任鄭君痾瘵切身
力請監司撫按兩臺俱報可疏門然未邀 俞旨屯臺
盧公嗟痛不已循長孺矯 詔發倉之例准鄭君減徵
之請惟 慈寧宮庄田子粒歲如其額自 神宗顯皇

帝升遐頒詔首恤文安除 慈寧宮子粒錢糧不折外
其餘效勇等三營火燒等四泛俱准一體減半折徵

保定縣

王應禧曰霸屬三縣折畝原無異同惟是保定澤鄉堤外窪地大半每遇泛漲衆流蓄聚經年不洩糧存難辦以故丁逃而累及于戶、逃而累及于甲人不得不盡甲而逃地不得不還官而荒夫亡業藁蕪額賦難減錢糧盡歸堤南五百頃內緣是小畝一畝五折分折大畝一畝而折畝遂與文大之三畝折一者異矣無論地之肥燒什百然均一額賦也輕重奚啻懸絕哉

薊州

薊當京遼之會驛通車馬之關貢夷相續假款挾市洵
北邊要害也數載東虜戒嚴旦暮征調肩蹄如織館穀
若流供億之費歲計二萬有奇牛馬車商偶一僉派而
中上之產蕩矣今議照^地僉後苦藥稍均尚嗷々稱厲
按今之所謂馬車商即前之所謂馬牛頭兵憲徐公
規則簿載每年馬牛頭各三十二名每馬頭一名編
民地四十頃牛馬一名編地二十頃擇其地多殷實
人戶為頭其餘地少者幫貼三年一次審編或派在
第一年其第二年第三年休息之或在第二年第三
年亦然照地僉頭甘苦與同此丁有丁差地有地差
不相妨也嗣天啟二年邊地失守援兵調發驛遞擾
甚有謂三年分派一年負累難當時遇兵憲卽公目
擊民艱每年每民地一畝編派站銀隨供意煩簡年
分量派徵收在公招商應當牛馬頭役百姓不知有
差此皆立法之善斟酌行之存乎其人

邊防

薊州東北至馬蘭峪營六十里北至黃崖營四十里西
北至將軍石營七十里皆轄于馬蘭路叅將黃將二營
各提調官一員 統千把關寨寺以備禦之

提調寬佃峪等關下

鮎魚石關水口數十丈前後俱寬五里至半山頂
寨十里至馬蘭峪關水口一里外山四里至獨松
峪寨十里至峯臺嶺寨八里至龍洞峪關水口三

山險窄止八里至寬佃峪關水口數十丈後山八

通車馬里至餓老婆頂寨二十五里至恥瞻峪十里至古

強峪寨山口丈許後山五里至蚕椽峪寨三十里

至青山嶺寨山口五丈後山六里至太平安寨十

里至小平安寨山口二十丈十里至黃崖口關水

數十丈前後俱寬五馬可四十里至彰作里關

提調將軍石等關下

彰作里關山口數丈前窄二十里至將軍石關水